

武陵縣志卷二十五

方伎

唐

梁新精醫理舟次渚宮時有商人暴亡氣猶未絕新往診視曰此食毒也問尋常何所嗜曰食竹雞新日竹雞食半夏必半夏毒也搗薑汁飲之蘇時崔鉅鎮渚宮資以僕馬入京仕至尚藥奉御

宋

龔翁治折傷有名嘉佑中縣尉羅彥輔迎轉運使於撫界橋折馬驚墮彥輔傷肱翁治之旬日而愈翁家道旁無田桑獨種竹千

武陵縣志

卷二十五

竿資醫以養凡折傷者必責愈於翁其接儒生最謹有題詩贈之者壁詩歲加多且滿

國朝

丁方斌精岐黃術嘗從高人採藥隴蜀耿毫間久之乃歸居神仙觀遇危症應手而愈雖富貴家不索謝一醉徑去杖頭常掛酒瓢藥囊求醫者即以刀圭與之

武纂精易理卜休咎如神皆依卦義爻辭決之無祕術提督署失金二百延使卜云翌午必見署內果不爽欲求實其人曰法不可也孫永清傳其術占事亦多中

魏開幼與其弟梓得異人醫小兒術嘗投宿村家有小兒戲於側

梓曰是兒有風症當發在今夕至夜分果然主家求醫於開治之立愈又有小兒患手足攣他醫鍼灸之罔效開曰失穴道他醫怒開曰若治左吾治右已右愈而左如故主人請並治之兒愈

丁用元初業儒卒學醫有鄰翁無故以脈試用元按之驚曰君來日定死非命次日斃於雷又何姓子以痘殤棺過市適值用元問症由曰此痘必夾驚風吾能活之將子攤漆棹上用艾炙百合穴有頃甦人以爲神

陳輝遠精醫術能以太素脈決窮通壽夭名甚著

段生者竹陂港人業醫不診脈能望色知人疾嘗過鄰村愛一兒

### 武陵縣志

### 卷二十五

二

娟好摩其頂曰此兒可惜早遇我當可活今無及矣言時兒固無恙翼日果以暴疾徂

高有相幼業儒已從事醫學輒精與朱景英交最篤每約同撰醫史未就卒

李兆鯨字騰海精於醫有馬某病夜見二童泣於側曰明日李醫至吾輩無死所矣病者告其家延之一劑霍然由是大行其業武邑獄囚遭疾多某令患之使兆鯨任訓科歷三載獄中無疾者令問其術兆鯨曰此非醫者之術而治獄者之術也情真罪當彼心旣貼服安於囹圄飲食寒暑亦知自衛疾自不由申出也司監吏本勤於掃除無燥濕之侵疾又不自外作矣令善其

言有閩客鼻孔中有赤虫粗不及繩長可四五寸聞香物輒出觸之卽入不可拔兆鯨教之吸福州小溪菸三日後患遂除詰其故曰是蟲水蟒也初浮於澗汝渴掬水飲吸入鼻孔初如髮細飽涕而肥得血而赤愛香則出畏烟則逃今幸早治遲則不可爲矣

楊大有字慎菴有婦病水飲隨下不收者數月以絹數尺杵地黃數兩煎膏取小茴水冲服遂愈或問之曰此膀胱破也絲性纏縛輔以地黃能助元氣小茴引入少腹蓋以意爲之